

بِسْمِ اللَّهِ الرَّحْمَنِ الرَّحِيمِ

Khutba Jummah

HADHRAT AMIR'UL MUMINEEN MUHYI-UD-DIN

Munir Ahmad Azim

27 Février 2015 ~

(07 Jamad'ul Awwal 1436 Hijri)

(Résumé Khutba)

Après ki li fine salué tous so bane disciples (et tous bane musulmans) du monde entier par « Assalamoualaikum Warahmatullah Wabarakaatuhu » Hazrat Muhyi-ud-Din fine commence so Khutba Jummah avec Tashahhud, le Ta'ouz, Surah Al Fatiha, et ensuite li fine dire:

Le Quran Shareef, Révélation ki pli sublime, informe nous de l'excellence de bane paroles divines ki ena le pouvoir pou faire l'homme sorti de l'état le plus déplorable et faire li développer en ene dimoune tout à fait apte pou socialisé, réfléchir et pou puize en li-même pou gagne accès à la spiritualité et la capacité pou vine pli près avec Allah. Et sa capacité li définitivement ena sa dans li.

Personne aparte Celui ki fine créé li pou capave comprendre l'homme dans profondeur de so l'âme. En effet, Allah, le Maître de l'Univers, conne parfaitement la nature de l'homme. Li conne so comportement, so réaction, et tout saki li pou faire lors la terre pendant tout so l'existence.

Afin ki l'homme vive dans la paix et la tranquillité, Allah fine passe bane la lois dans plusieurs domaines. Parmi sa bane la lois là, Li fine prescrire la Loi du Talion (*Al-Qisas*) aussi. A sa sujet là, Allah fine dire dans Quran Shareef: **« Et Nous ti prescrire pou zot là-dans (dans Tauraat) : ene la vie pour ene la vie, ene lizié pour ene lizié, ene néné pou ene néné, ene zoréye pou ene zoréye, ene lédent pou ene lédent, pou blessure aussi ene pareil en retour. Celui ki par charité pardonne l'autre, so action servi pou efface so péchés. Bane ki pas rende jugement d'après la loi ki Allah fine envoyer, zot faire du tort. »** (Al-Maida 5 : 46).

Dans prescription de sa la loi là, ena ene justice totale et bane bienfaits multiples ki l'homme bizin conné. L'Islam li ene religion ki interdit transgression de manière générale et par rapport au corps humain en particulier. D'après Abu Huraira (ra), le prophète (saws) fine dire : « Li

interdit à ene musulman attaque à ene l'autre musulman : li pas gagne droit verse so disang, pou prend par force so richesse et pou attaque so réputation. » (Tirmidhi).

Li clair ki sa trois kitchoses ki fine mentionné là zot sacrées pour ene croyant. Personne péna le droit pou aventuré d'ene manière illégale. Transgression ki relative à l'âme humaine li sans aucune doute ene acte abominable ki vine de Shaytan. Ene dimoune ki touye ene l'autre dimoune li vine ene rival d'Allah car c'est Allah ki fine insufflé la vie dans la race humaine et c'est Li ki ene zour pou bizin réprend sa la vie là kan Li oulé et couma Li oulé. Mais quand l'homme pas écoute bane l'ordres de so créateur et obéir zis so passion, alors li bizin attane pou rencontre so malheur et destruction.

Allah fine révèle à propos de sa dans le Quran Shareef: **« A cause de sa ki Nous fine prescrire pou peuple Israel ki, si ene dimoune touye ene l'autre, sans ki ena ene premier crime pou venger, ou ene malfaiteur los la terre pou puni, li pou pareil couma dire li fine touye toute l'humanité. Et si li sauve ene la vie, c'est comme si li fine sauve toute l'humanité. »** (Al-Maida 5 : 33).

« Sauve la ene la vie, c'est sauve l'humanité en entier » li ene phrase ki pou apporte énormément de bane changements et de bane bienfaits lors la terre si sak dimoune médite lors là en profondeur. Par contre, si li prend chemin travers, alors ene punition bien dure pé attane li : **« Celui ki touye ene croyant par exprès, so récompense, c'est l'enfer. Li pou reste là-dans pou tout létemps. Allah en colère avec li, maudit li et prépare pou li ene grand punition. »** (An-Nisa 4 : 94).

En vérité, l'application la loi Talion assure l'équilibre d'ene société et la paix là-dans d'ene manière perpétuelle (continuelle). Quand les autres témoigne de sentence ki ene criminel subir, alors zot pas pou gagne le courage pou imite sa criminel là et zot pas oser alle commette bane actions pareils attention zot subir même sort ki sa criminel là. C'est coumsa ki Allah faire ressortir le but noble dans prescription la loi Talion : **« C'est dans Al-Qisas (la loi du talion) ki zot pou gagne préservation la vie, O bane dimounes ki ena l'intelligence, afin ki ou marche dans bon chemin. »** (Al-Baqara 2 : 180).

En plisse de préservation de la vie de bane dimounes, Allah le plus Sage de bane juges, fine prend en considération la nature de la race humaine. En vérité, l'homme ena bane sentiments de vengeance si arriver attaque à ene membre de so famille. Si sa dimoune là mort, alors so la famille souffert beaucoup de sa perte inattendu là. Beaucoup de bane proches de sa mort là vine bien triste à la suite de so disparition. L'application de la loi du Talion (*Al-Qisas*) soulage zot d'ene façon morale et légale, parski à sa moment là zot pou gagne la justice.

L'Islam li le seul et unique religion ki appelle au respect et à la préservation de la vie humaine. Allah reste éternellement le Législateur par excellence. So bane la lois zot parfaits et justes.

Couma excellent Allah été pour nous comme Maitre et Patron! Quant à l'homme, li trop faible pour charge li de sa travail là. Tout dimoune bizin prend conscience et faire li ene devoir pou applique la loi divine arrive saki arrive. En vérité, l'homme li crée d'ene nature faible, mais Allah envoie li de temps en temps bane Messagers pour faire li rappelle So bane commandements, surtout avec l'avènement de l'Islam.

L'Islam li la religion ki pli pure et honnête, et li ena le pouvoir pou empêcher bane dimoune pou aller au-delà de bane limites morales grâce à bane commandements d'Allah ki trouve dans le Livre parfait, le Quran Shareef.

Allah fine révèle bane tel versets ki pou rester vivants jusqu'au jour du jugement, et de ce fait tous bane la lois et commandements ki orne le Quran pou durer pour tous les temps. Malheureusement, pas tous dimoune ki pou prendre compte sa bane commandements là. Seuls bane dimoune ki ena l'intelligence ki ena la capacité pou comprendre le but derrière l'institution de bane tels commandements et zot pou honorer bane la lois d'Allah dans bane pli jolis façons.

Ki Allah aide nous pou soumettre à So bane commandements et pou préserver la vie ki Li fine rendre sacré, et ki nous respecter nous prochain pour la cause et l'amour d'Allah. *Insha-Allah. Ameen.*